

於未亂未戰以遏邊萌之禍書奏天子寤焉召還匈奴

使者更報單于書而許之賜繒帛五十匹黃金十斤單

于未發會病復遣使願朝明年故事單于朝從名王以

下及從者二百餘人單于又上書言蒙天子神靈人民

盛壯願從五百人入朝以明天子盛德上皆許之元壽

二年單于來朝上以太歲厭勝所在師古曰厭音一涉反舍之上

林苑蒲陶宮師古曰舍止宿告之以加敬於單于師古曰云以敬於單于故

上令止林單于知之加賜衣三百七十襲錦繡繒帛三萬匹

絮二萬斤宅如河平時既罷遣中郎將韓況送單于單

于出塞到休屯井北度車田盧水道里回遠師古曰回音胡內反